

"মিষ্টি বাচ্চারা - তোমরা যে জ্ঞানই পাও, তার উপর বিচার - সাগর মন্ডন করো, এই জ্ঞান মন্ডনেই অমৃত বের হবে"

প্রশ্নঃ - ২১ জন্মের জন্য লাভবান হওয়ার সাধন কি?

*উত্তরঃ - জ্ঞান রত্ন । এই পুরুষোত্তম সঙ্গম যুগে তোমরা যত জ্ঞান রত্ন ধারণ করো, ততই লাভবান হও । এখানের জ্ঞান রত্ন ওখানে হীরে - জহরত হয়ে যায় । আত্মা যখন জ্ঞান রত্ন ধারণ করবে, মুখ থেকে যখন জ্ঞান রত্ন নির্গত হবে, রত্নই শুনবে আর শোনাতে, তখন তার আনন্দিত চেহারা বাবার নাম উচ্ছল হবে । আসুরী গুণ যখন দূর হবে তখনই লাভবান হতে পারবে ।

ওম্ শান্তি । বাবা তাঁর বাচ্চাদের জ্ঞান এবং ভক্তির উপর বোঝান । বাচ্চারা তো একথা বুঝতেই পারে যে, সত্যযুগে ভক্তি থাকে না । সত্যযুগে জ্ঞানও পাওয়া যায় না । কৃষ্ণ না ভক্তি করতেন, না জ্ঞানের মুরলী বাজাতেন । মুরলীর অর্থ জ্ঞান দান করা । মহিমা তো আছে - মুরলীর জাদু । তাহলে অবশ্যই কোনো জাদু থাকবে, তাই না । কেবলমাত্র মুরলী বাজানো, এ তো সাধারণ কথা । ফকিররাও মুরলী বাজায় । এখানে তো জ্ঞানের জাদু । অজ্ঞানকে জাদু বলা হবে না । মানুষ মনে করে, কৃষ্ণ মুরলী বাজাতেন, তাই তাঁর মহিমা করে । বাবা বলেন যে, কৃষ্ণ তো দেবতা ছিলেন । মানুষ থেকে দেবতা আর দেবতা থেকে মানুষ, এ হতেই থাকে । দৈবী সৃষ্টিও যেমন হয়, তেমনই মনুষ্য সৃষ্টিও হয় । এই জ্ঞানেই মানুষ থেকে দেবতা হয় । সত্যযুগ যখন হয় তখন এই জ্ঞানের আশীর্বাদ হয় । সত্যযুগে ভক্তি থাকে না । দেবতারা যখন মানুষ হয়, তখন ভক্তি শুরু হয় । মানুষকে বিকারী আর দেবতাকে নির্বিকারী বলা হয় । দেবতাদের সৃষ্টিকে পবিত্র দুনিয়া বলা হয় । তোমরা এখন মানুষ থেকে দেবতা তৈরী হচ্ছে । দেবতাদের মধ্যে কিন্তু এই জ্ঞান থাকবে না । দেবতারা সদগতিতে থাকেন, জ্ঞানের প্রয়োজন, দুর্গতিতে যারা থাকে, তাদের জন্য । এই জ্ঞানের দ্বারাই দৈবী গুণ আসে । জ্ঞানের ধারণা সম্পন্নদেরই চালচলন দেবতাদের মতো হয় । যাদের ধারণা কম, তাদের চলন মেলানো মেশানো হয় । আসুরী চলন তো বলা হবে না । ধারণা না থাকলে 'আমার সন্তান' কিভাবে বলা হবে ? বাচ্চারা যদি বাবাকে না জানে, তাহলে বাবা কিভাবে বাচ্চাদের জানতে পারবে । বাবাকে কতো খারাপ গালি দিয়ে থাকে । ভগবানকে গালি দেওয়া কতো খারাপ, কিন্তু যখন ওরা ব্রাহ্মণ হয়ে যায় তখন গালি দেওয়া বন্ধ হয়ে যায় । তাই এই জ্ঞানের বিচার - সাগর মন্ডন করা উচিত । ছাত্ররা বিচার - সাগর মন্ডন করে জ্ঞানের উল্লিখিত করে । তোমরা এই জ্ঞান পেয়েছো, এর উপর বিচার - সাগর মন্ডন করলে অমৃতের নির্গমন হবে । বিচার - সাগর মন্ডন না করলে কি মন্ডন করবে ? আসুরী বিচার মন্ডন করলে আবর্জনা বের হয় । তোমরা এখন ঐশ্বরীয় ছাত্র । তোমরা জানো যে, বাবা তোমাদের মানুষ থেকে দেবতা হওয়ার পাঠ পড়াচ্ছেন । দেবতারা তো আর পড়াবেন না । দেবতাদের কখনোই জ্ঞানের সাগর বলা হয় না । বাবাই হলেন জ্ঞানের সাগর । তাই নিজেদের প্রশ্ন করা উচিত, আমাদের মধ্যে সমস্ত দৈবী গুণ আছে কি ? যদি আসুরী গুণ থাকে, তবে তা দূর করে দেওয়া উচিত, তখনই তোমরা দেবতা হতে পারবে ।

তোমরা এখন পুরুষোত্তম সঙ্গম যুগে আছো । তোমরা পুরুষোত্তম তৈরী হচ্ছে তাই পরিবেশও খুব সুন্দর তৈরী হওয়া উচিত । ছি - ছি কথা মুখ থেকে নির্গত হওয়া উচিত নয় । না হলে তোমাদের কম মানের বলা হবে । পরিবেশ দেখেই চট করে তা বুঝতে পারা যায় । মুখ থেকে দুঃখ দেওয়ার মতো কথাই বের হয় । বাচ্চারা, তোমাদের বাবার নাম উচ্ছল করতে হবে । সর্বদা তোমাদের চেহারা আনন্দিত থাকা চাই । মুখ থেকে সর্বদা যেন রত্নই নির্গত হয় । এই লক্ষ্মী - নারায়ণের চেহারা কতো হাসিখুশী, এঁদের আত্মা জ্ঞান রত্ন ধারণ করেছিলো । এরা মুখ থেকে এই রত্ন নির্গত করেছিলো । এঁরা রত্নই শুনত এবং শোনাতে । তোমাদের কতো খুশীতে থাকা উচিত । এখন তোমরা যেই জ্ঞান রত্ন ধারণ করছো তাই প্রকৃত হীরে - জহরত হয়ে যায় । ৯ রত্নের মালা কোনো হীরে - জহরতের নয়, এই চৈতন্য রত্নের মালা । মানুষ কিন্তু ওই রত্ন মনে করে হাতে আংটি ইত্যাদি ধারণ করে । জ্ঞান রত্নের মালা এই পুরুষোত্তম সঙ্গম যুগেই তৈরী হয় । এই রত্নই ২১ জন্মের জন্য লাভবান করে দেয়, যা কেউই লুণ্ঠন করতে পারে না । এখানে ওই রত্ন ধারণ করলে চট করে কেউ লুণ্ঠন করে নেবে । তাই নিজেদের খুবই বুদ্ধিমান বানাতে হবে । আসুরী গুণকে দূর করতে হবে । আসুরী গুণের মানুষের চেহারাই এমন হয়ে যায় । তাদের মুখ ক্রোধে তো লাল তাওয়ার মতো হয়ে যায় । কাম বিকারের মানুষের মুখ তো একদম কালো হয়ে যায় । কৃষ্ণকেও তো কালো দেখানো হয় । বিকারের কারণেই গোরা থেকে কালো হয়ে গেছে । বাচ্চারা, তোমাদের প্রতিটি কথার বিচার - সাগর মন্ডন করা উচিত । এই পাঠ হলো অনেক সম্পদ অর্জনের পাঠ । বাচ্চারা,

তোমরা তো শুনেছো যে, রানী ভিক্টোরিয়ার উজির খুবই গরীব ছিলো। মাটির প্রদীপ জ্বালিয়ে পড়তো, কিন্তু ওই পড়া এমন কোনো রত্নই নয়। এই জ্ঞান অর্জন করে তোমরা উচ্চ পদ পেতে পারো। তাহলে এই ঈশ্বরীয় পড়া তো কাজে এলো, নাকি অর্থ? এই ঈশ্বরীয় পাঠই হলো সম্পদ। সে হলো লৌকিক ধন আর এ হলো অসীম জগতের ঐশ্বর্য। তোমরা এখন বুঝতে পারো, বাবা আমাদের পড়িয়ে এই বিশ্বের মালিক বানিয়ে দেন। ওখানে তো অর্থ উপার্জনের জন্য কেউ এই পড়া পড়বে না। ওখানে তো এখনকার পুরুষার্থে অগাধ সম্পদের অধিকারী হওয়া যায়। সেই সম্পদ অবিনাশী হয়ে যায়। দেবতাদের কাছে কতো ধন সম্পদ ছিলো, তারপর বাম মার্গ, রাবণ রাজ্যে যখন আসে তখনো কতো সম্পদ থাকে। তাঁদের কতো মন্দির বানানো হয়। তার পরবর্তীকালে মুসলমানেরা সব লুণ্ঠন করে নেয়। দেবতারা কতো ধনবান ছিলো। আজকালকার পড়ায় এতো ধনবান হতে পারে না। তাহলে এই পড়ায় দেখো, মানুষ কি থেকে কি হয়ে যায়। গরীব থেকে বিত্তবান হয়ে যায়। এখন ভারতকে দেখো, কতো গরীব হয়ে গেছে। যারা নামে বিত্তবান, তাদের তো কোনো সাময়ি নেই। নিজের ধন - সম্পদ এবং পদের কতো অহংকার থাকে। এতে অহংকার ইত্যাদি দূর হয়ে যাওয়ার প্রয়োজন। আমরা হলাম আত্মা। আত্মাদের কাছে ধন - দৌলত, হীরে - জহরত আদি কিছুই নেই।

বাবা বলেন - মিষ্টি বাচ্চারা, দেহ সহিত দেহের সব সম্বন্ধকে ত্যাগ করো। আত্মা যখন শরীর ত্যাগ করে তখন এই বিত্ত ইত্যাদি সবই শেষ হয়ে যায়। তারপর যখন নতুন ভাবে পড়বে, অর্থ উপার্জন করতে পারবে তখন ধনবান হতে পারবে, অথবা অনেক দান - পুণ্য করলে বিত্তবানের ঘরে জন্ম নেবে। বলা হয়, এ হলো পূর্ব কর্মের ফল। জ্ঞানের যদি দান করে অথবা কলেজ - ধর্মশালা ইত্যাদি বানায়, তাহলে তার ফল পায় কিন্তু তাও অল্প সময়ের জন্য। এই দান - পুণ্য ইত্যাদিও এখানেই করা হয়। সত্যযুগে এমন করা হয় না। সত্যযুগে কেবল ভালো কর্মই হয়, কেননা আত্মা এখনকার আশীর্বাদ প্রাপ্ত করে। ওখানে কোনো কর্মই বিকর্ম হবে না, কেননা ওখানে রাবণ নেই। বিকারে গেলে কর্মও বিকারী হয়ে যায়। বিকার থেকেই বিকর্মের উৎপত্তি হয়। স্বর্গে কোনো বিকর্ম হয় না। সবকিছুই এই কর্মের উপর নির্ভর করে। এই মায়া রাবণ অপগুণী করে দেয়। বাবা এসে তোমাদের আবার সর্বগুণ সম্পন্ন বানান। রাম বংশী আর রাবণ বংশীদের যুদ্ধ চলতেই থাকে। তোমরা হলে রামের সন্তান। কতো ভালো ভালো বাচ্চারাও মায়ার কাছে হার খেয়ে যায়। বাবা তাদের নাম বলেন না, তবুও তিনি তাদের প্রতি আশা রাখেন। অধমের থেকেও অধমকে তো উদ্ধার করতেই হয়। বাবাকে এই সম্পূর্ণ বিশ্বের উদ্ধার করতে হবে। এই রাবণের রাজ্যে সকলেই অধম গতি প্রাপ্ত হয়েছে। বাবা তো নিজে বাঁচার আর অন্যকেও বাঁচানোর যুক্তি রোজ - রোজই বোঝান তবুও যদি নেমে যায় তাহলে অধমের থেকেও অধম হয়ে যায়। তারা তখন উপরে উঠতে পারে না। এই অধম ভাব মনের অন্তরে দংশন করতে থাকে। যেমন বলা হয় -- অন্তিম সময়ে যে যেমন স্মরণ করবে... এদের বুদ্ধিতে এই অধম ভাবই স্মরণে আসতে থাকবে।

তাই বাবা বসে বাচ্চাদের বোঝান - কল্পে - কল্পে তোমরাই তো শোনো যে এই সৃষ্টি চক্র কিভাবে ঘুরতে থাকে, জন্তু - জানোয়াররা তো আর একথা জানবে না। তোমরাই শোনো আর তোমরাই বুঝতে পারো। মানুষ তো মানুষই, এই লক্ষ্মী - নারায়ণ এঁদেরও তো নাক - কান ইত্যাদি সবই আছে, তাহলে তো এঁরাও মানুষ, তাই না, কিন্তু এঁদের মধ্যে দৈবী গুণ আছে, তাই এঁদের দেবতা বলা হয়। এঁরা এমন দেবতা কিভাবে হন, তারপর কিভাবে নেমে আসেন, এই চক্রের কথা তোমরাই জানো। যারা বিচার - সাগর মন্ডন করতে থাকবে, তাদেরই ধারণা হবে। আর যারা বিচার - সাগর মন্ডন করবে না, তাদের বুদ্ধি বলা হবে। যারা মুরলী পড়ে তাদের বিচার - সাগর মন্ডন চলতে থাকবে - এই বিষয়ে এমনভাবে বোঝাতে হবে। বাবা আশা রাখেন - এখন বুঝতে না পারলেও ভবিষ্যতে গিয়ে অবশ্যই বুঝতে পারবে। আশা রাখা অর্থাৎ সেবার নেশা, পরিশ্রান্ত হলে চলবে না। যদি কেউ এই পাঠের অভ্যাসের পরেও অধম হয়ে যায়, তারাও যদি আবার আসে, তাহলে তাদের তো স্নেহের সঙ্গে বসাবে, নাকি বলবে চলে যাও! তাদের অবস্থা সম্বন্ধে জিজ্ঞেস করতে হবে - এতদিন কোথায় ছিলো, কেন আসে নি? তারা তো বলবে - মায়ার কাছে হেরে গেছি। তারা বুঝতেও পারে যে, এই জ্ঞান খুবই সুন্দর। স্মৃতি তো থাকে, তাই না। ভক্তিতে তো জয় - পরাজয়ের কোনো কথাই নেই। এ হলো জ্ঞান, একে ধারণ করতে হবে। তোমরা যতক্ষণ না ব্রাহ্মণ হচ্ছে, ততক্ষণ দেবতা হতে পারবে না। খৃস্টান, বৌদ্ধ, পার্সি ইত্যাদির মধ্যে ব্রাহ্মণ হয়ই না। ব্রাহ্মণের সন্তান ব্রাহ্মণ হয়। এই কথা এখন তোমরাই বুঝতে পারো। তোমরা জানো যে, অল্ফ (আল্লাহ) কে স্মরণ করতে হবে। অল্ফ (আল্লাহ) কে স্মরণ করলেই এই বাদশাহী পাওয়া যায়। যখন কাউকে পাবে, তো তাকে বলো যে, অল্ফ, আল্লাহকে স্মরণ করো। অল্ফকেই উচ্চ বলা হয়। বাবাকে অল্ফ বা আল্লাহ বলা হয়। অঙ্গুলি দিয়ে অল্ফের দিকে ইশারা করা হয়। সোজা উপরে হলেন এই অল্ফ বা আল্লাহ। অল্ফকে এক বলা হয়। ভগবান হলেন একজনই, বাকি সবাই তাঁর সন্তান। বাবাকে অল্ফ বা আল্লাহ বলা হয়। বাবা যেমন জ্ঞান দান করেন, তেমনি নিজের বাচ্চাও তৈরী করেন। তাই বাচ্চারা, তোমাদের কতো খুশীতে থাকা উচিত। বাবা আমাদের কতো সেবা করেন, তিনি আমাদের এই বিশ্বের

মালিক বানান । তিনি নিজে সেই পবিত্র দুনিয়ায় আসেনও না । পবিত্র দুনিয়াতে কেউই তাঁকে ডাকেন না । পতিত দুনিয়াতেই তাঁকে ডাকা হয় । পবিত্র দুনিয়াতে এসে তিনি কি করবেন । তাঁর নামই হলো পতিত পাবন । তাই পুরানো দুনিয়াকে পবিত্র দুনিয়া বানানো হলো তাঁর দায়িত্ব । বাবার নাম হলো শিব । বাচ্চাদের শালগ্রাম বলা হয় । এই দুইয়েরই পূজো হয় কিন্তু যারা পূজা করেন তারা কিছুই জানেন না, ব্যস, এক রীতি - নিয়ম বানিয়ে দিয়েছে এই পূজোর জন্য । দেবীদেরও এক নম্বর হীরে - মুক্তোর প্রাসাদ ইত্যাদি বানিয়ে পূজা করা হয় । ওরা তো মাটির লিঙ্গ বানায় আর ভেঙ্গে ফেলে । এই লিঙ্গ বানাতে কোনো পরিশ্রম হয় না । দেব - দেবীর মূর্তি বানাতে পরিশ্রম হয় । শিববাবার পূজোতে কোনো পরিশ্রম লাগে না । সবকিছুই বিনা পয়সায় পাওয়া যায় । জলে পাথর ঘষা খেয়ে গোল হয়ে যায় । সম্পূর্ণ ডিমের আকার হয়ে যায় । এমনও বলা হয় যে, আত্মা হলো ডিমের মতো যা ব্রহ্ম তত্ত্বে থাকে, তাই তাকে ব্রহ্মাণ্ড বলা হয় । তোমরা ব্রহ্মাণ্ডের এবং এই বিশ্বের মালিক হও ।

তাই প্রথমে এক বাবার সম্বন্ধে বোঝাতে হবে । শিবকে বাবা বলে সবাই স্মরণ করে । দ্বিতীয়তঃ, ব্রহ্মাকেও বাবা বলা হয় । প্রজাপিতা যখন, তখন তো সকল প্রজাদেরই পিতা হলেন, তাই না । গ্রেট - গ্রেট গ্র্যান্ড ফাদার । এই সমস্ত জ্ঞান বাচ্চারা, এখনই তোমাদের মধ্যে আছে । প্রজাপিতা ব্রহ্মা তো অনেকেই বলেন কিন্তু যথার্থ ভাবে কেউই জানে না । ব্রহ্মা কার সন্তান ? তোমরা বলবে পরমপিতা পরমাত্মার । শিব বাবা এনাকে দত্তক নিয়েছেন, তাই ইনি তো শরীরধারী হলেন, তাই না । সকলেই ঈশ্বরের সন্তান । এরপরে যখন শরীর ধারণ করে তখন প্রজাপিতা ব্রহ্মার দত্তক সন্তান বলা হয় । এ কোনো দত্তক নেওয়া নয় । সমস্ত আত্মাদের কি পরমপিতা পরমাত্মা দত্তক নিয়েছেন ? তা নয়, তিনি তোমাদের দত্তক নিয়েছেন । তোমরা এখন হলে ব্রহ্মাকুমার - ব্রহ্মাকুমারী । শিববাবা দত্তক নেন না । সমস্ত আত্মাই অনাদি - অবিনাশী । সকল আত্মাই নিজের নিজের শরীর, নিজের নিজের পার্ট পেয়েছে, যে অভিনয় তাদের করতেই হবে । এই অভিনয়ই অনাদি - অবিনাশী পরম্পরা ধরে চলে আসছে । এর আদি - অন্ত সম্বন্ধে কিছুই বলা যায় না । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণের স্নেহ-সুমন আর সুপ্রভাত । আত্মাদের পিতা তাঁর আত্মা রূপী বাচ্চাদেরকে জানাচ্ছেন নমস্কার ।

ধারণার জন্যে মুখ্য সারঃ-

১) নিজের অর্থ, পদ ইত্যাদির অহংকার দূর করতে হবে । অবিনাশী জ্ঞান রঞ্জের দ্বারা নিজেকে লাভবান করতে হবে । সেবাতে কখনোই পরিশ্রান্ত হবে না ।

২) পরিবেশকে সুন্দর রাখার জন্য মুখ থেকে সর্বদা রক্ত বের করতে হবে । দুঃখ দেওয়ার মতো বাণী যেন বের না হয়, তার খেয়াল রাখতে হবে । সর্বদা হাসিমুখে থাকতে হবে ।

বরদানঃ- সदा শ্রেষ্ঠ সময় অনুযায়ী শ্রেষ্ঠ কর্ম করে বাঃ - বাঃ - এর গীত গাওয়া ভাগ্যবান আত্মা ভব*
এই শ্রেষ্ঠ সময় শ্রেষ্ঠ কর্ম করে "বাঃ - বাঃ" এই গান মন থেকে গাইতে থাকো । "বাঃ আমার শ্রেষ্ঠ কর্ম অথবা বাঃ আমার শ্রেষ্ঠ কর্মের শিক্ষক বাবা ।" তাই সदा বাঃ - বাঃ - এই গীত গাও । কখনো ভুল করেও দুঃখের নিদর্শন দেখেও 'হায়' শব্দ বের করা উচিত নয় । বাঃ ড্রামা বাঃ । আর বাঃ বাবা বাঃ । যা স্বপ্নেও ছিলো না, সেই ভাগ্য ঘরে বসে পেয়ে গেছি । এই ভাগ্যের নেশায় থাকো ।

স্লোগানঃ- মন - বুদ্ধিকে শক্তিশালী করে দাও, তাহলে যে কোনো অস্থির পরিস্থিতির মাঝে অচল - অটল থাকবে ।*